



Morwellt

Cyflwyniad

Morwellt

Morwellt yw'r unig blanhigyn blodeuol sy'n tyfu yn yr amgylchedd morol ac mae'n un o'r planhigion pwysicaf ar y Ddaear.

Mae morwellt yn ffurfio dolydd tanddwr sy'n darparu bwyd a lloches i ystod eang o anifeiliaid morol, o infertebratau bach i bysgod mawr, crancod, sêr môr, gwlithod morol, morfeirch, crwbanod, mamaliaid morol, ac adar. Mae crancod meudwy hefyd yn gyffredin mewn dolydd morwellt, gan wneud y cynefinoedd hyn yn ecosystemau bywiog, amrywiol. Mae morwellt hefyd o fudd i bobl mewn sawl ffordd, ond yn anffodus mae llawer ohono wedi ei golli oherwydd gweithgareddau dynol.

Mae planhigion morwellt yn debyg i blanhigion tir — mae ganddyn nhw wreiddiau, coesynnau, a dail, ac maen nhw'n cynhyrchu blodau a hadau. Fodd bynnag, maent yn wahanol i wymon neu algâu, sy'n dibynnu ar ludafaelion ac yn amsugno maetholion trwy drylediad. Mae morwellt yn amrywio o ran maint, o blanhigion maint ewinedd bysedd i rywogaethau gyda dail sy'n gallu tyfu hyd at 7 metr o hyd. Mae eu dail yn dod mewn gwahanol siapiau sy'n edrych fel rhubanau, rhedyn, meillion, neu hyd yn oed sbageti. Waeth beth yw eu maint neu siâp, mae dail morwellt yn dibynnu ar olau'r haul i berfformio ffotosynthesis, proses sy'n trosi carbon deuocsid a dŵr yn ocsigen a siwgr. Mae hyn yn gwneud morwellt yn rhan hanfodol o'r gadwyn fwyd, gan ddarparu ocsigen ac egni i lawer o organebau byw.

Yn y DU, mae dwy rywogaeth o forwellt yn ffurfio dolydd: gwellt y gamlas (*Zostera marina*) a chorwellt y gamlas (*Zostera noltii*). Mae'r dolydd hyn i'w cael mewn ardaloedd arfordirol cysgodol, gan gynnwys ar hyd arfordir Cymru, lle maent yn chwarae rhan bwysig wrth gefnogi bywyd morol a chyfrannu at gefnforoedd iach.

Mae dolydd morwellt yn ecosystemau bregus ac yn cael eu colli oherwydd llygredd fel carthffosiaeth, gollyngiadau olew, a dŵr ffo arfordirol, yn ogystal â difrod corfforol a achosir gan garthu, llafnau gwrthio ac angorau cychod. Gall gorbysgota hefyd amharu ar gydbwysedd y cynefinoedd hyn trwy darfu ar y gadwyn fwyd. Gall angorfeydd hefyd beri bygythiad; gall angorfeydd traddodiadol gyda chadwyni trwm ac angorau lusgo ar hyd gwely'r môr, dadwreiddio morwellt a gadael creithiau yn y dolydd. Mae monitro morwellt yn hanfodol oherwydd ei fod yn caniatáu i wyddonwyr, cadwraethwyr a chymunedau lleol olrhain iechyd yr ecosystemau hyn dros amser. Trwy arsylwi newidiadau mewn dolydd morwellt, gall y grwpiau hyn nodi bygythiadau, mesur effaith gweithgareddau dynol, ac annog mabwysiadu angorfeydd sy'n gyfeillgar i forwellt, megis Systemau Angori Uwch sy'n lleihau difrod i wely'r môr. Mae monitro hefyd yn ein helpu i ddeall yn well pa mor dda y mae morwellt yn cyflawni ei swyddogaethau hanfodol, megis amsugno carbon deuocsid, amddiffyn arfordiroedd rhag stormydd ac erydiad, a gwella ansawdd dŵr trwy hidlo maetholion a bacteria.

Er gwaethaf eu pwysigrwydd, nid yw llawer o bobl yn ymwybodol o forwellt a'i rôl hanfodol mewn ecosystemau morol a'r amgylchedd byd-eang. Mae morwellt yn ymddwyn fel peirianwyr ecolegol, gan lunio eu hamgylchedd mewn ffyrdd sydd o fudd i fywyd morol a phobl. Drwy fonitro a gwarchod yr ecosystemau rhyfeddol hyn, gallwn sicrhau eu bod yn parhau i ffynnu a darparu buddion i genedlaethau'r dyfodol.

Geiriau allweddol ymchwil pellach

Ffotosynthesis, cynhyrchwyr cynradd, cadwyn fwyd, dolydd morwellt, cloroplastau, monocotyledon, angiospermau, peirianwyr ecolegol, SeagrassWatch, gwasanaethau ecosystem.



Morwellt neu Wymon?

Yr offer sydd ei angen

- Argraffwch neu rhannwch y lluniau ar ddalen (S_S_1), un i bob dosbarth/grŵp
- Argraffwch y daflen waith 'Morwellt neu Wymon?', un i bob pâr
- Pensiliau neu feiros
- Dyfeisiau y gellir eu defnyddio i gysylltu â'r rhynggrwyd a mynediad i'r rhynggrwyd

I gwblhau'r gweithgaredd

1. Rhannwch y lluniau ar ddalen (S_S_1) gyda'r dosbarth drwy argraffu copïau neu arddangos ar ddyfais digidol. Gofynnwch i'r dysgwyr archwilio'r delweddau'n ofalus, gan nodi manylion fel gwead, siâp, lliw a chynefin.
2. Rhowch amser i'r dysgwyr i ystyried ac ymchwilio i'r hyn y gallant ei weld. A allent wahaniaethu rhwng morwellt a gwymon? Helpwch y dysgwyr i ddeall y gwahaniaeth rhwng planhigion fel morwellt (gyda gwreiddiau, coesynnau a dail) ac algâu fel gwymon (gyda gludafaelion, coesau ac egin).
3. Trafodwch y gwahanol rannau o bob organeb a'u swyddogaethau.
4. Rhannwch y dosbarth i barau darparwch y daflen waith 'Morwellt neu Wymon?' i bob par, ac arweiniwch y dysgwyr i gyfateb pob rhan o forwellt a gwymon i'w swyddogaeth gywir (A-I). Anogwch y dysgwyr i drafod sut mae'r swyddogaethau hyn yn cyfrannu at oroesiad gwymon a morwellt, ac i nodi unrhyw debygrwydd a gwahaniaethau rhyngddynt.
5. Helpwch y dysgwyr i labelu'r rhannau o forwellt a gwymon ar y diagram, gan sicrhau bod pob nodwedd yn cael ei nodi'n gywir.

ALLWEDD ATEBION

Gwymon

- Gludafael → F
- Coesyn → D
- Glaswelltyn → A

Morwellt

- Dail → B
- Coesyn → H
- Gwreiddgyff → G
- Gwreiddyn → C
- Blodau → I
- Hadau → E



Morwellt neu Wymon?



Morwellt neu Wymon?




Cyfatebwch bob rhan o'r gwymon a'r morwellt i'w swyddogaeth gywir trwy ysgrifennu'r llythyren cyfatebol (A-I) wrth ymyl enw'r rhan.

Swyddogaethau

- A. Amsugno golau haul a chynhyrchu bwyd i'r gwymon trwy ffotosynthesis.
- B. Amsugno golau haul i gynhyrchu bwyd ar gyfer y morwellt trwy ffotosynthesis.
- C. Angori'r morwellt i wely'r môr ac amsugno maetholion a dŵr.
- D. Cefnogi egin gwymon, gan weithredu fel coesyn.
- E. Arnofio drwy'r dŵr i dyfu planhigion morwellt newydd mewn mannau eraill.
- F. Glynw'r gwymon i greigiau neu arwynebau eraill.
- G. Lledaenu o dan y tywod i storio bwyd a maetholion ar gyfer y morwellt.
- H. Cefnogi'r dail a chludo dŵr, maetholion ac egni rhwng gwreiddiau a dail mewn morwellt.
- I. Cynhyrchu pail a hadau ar gyfer atgenhedlu morwellt.

- ☐ Gludafael
- ☐ Dail
- ☐ Coesyn (Gwymon)
- ☐ Gwreiddgyff
- ☐ Gwreiddiau
- ☐ Blodau
- ☐ Hadau
- ☐ Glaswelltyn
- ☐ Coesyn (Morwellt)

Labelwch y diagram isod gan ddefnyddio'r rhannau a'r swyddogaethau cywir o'r rhestr:



Morwellt yw'r unig planhigyn sy'n blodeuo sydd wedi addasu i fyw yn y cefnfor.



Dosbarthu Morwellt a Gwymon

Yr offer sydd ei angen

- Argraffwch y cardiau 'Dosbarthu Morwellt a Gwymon', un i bob grŵp
- Siswrn
- 2 gylch hwla neu sialc i bob grŵp
- Dyfeisiau y gellir eu defnyddio i gysylltu â'r rhyngwrdd a mynediad i'r rhyngwrdd


I gwblhau'r weithgaredd

1. Gofynnwch i'r dysgwyr ddefnyddio sialc i dynnu dau gylch mawr sy'n gorgyffwrdd ar iard yr ysgol, neu osod dau gylch hwla sy'n gorgyffwrdd ar lawr.
2. Dosbarthwch y cardiau 'Dosbarthu Morwellt a Gwymon' i bob grŵp. Gofynnwch i'r dysgwyr dorri'r cardiau, gan labelu un cylch gyda'r cerdyn "Gwymon" a'r llall gyda'r cerdyn "Morwellt." Mae'r rhan sy'n gorgyffwrdd yn cynrychioli nodweddion a rennir gan y ddau.
3. Gofynnwch i bob grŵp rannu a darllen eu cardiau yn uchel. Anogwch y dysgwyr i drafod pob nodwedd a gosod y cerdyn yn y rhan gywir o'r diagram Venn: naill ai yn y cylch Gwymon, y cylch Morwellt, neu'r rhan sy'n gorgyffwrdd.
4. Ceisiwch annog y grwpiau i esbonio eu rhesymu:
 - Pam ydych chi'n meddwl bod hwn yn perthyn i'r Gwymon?
 - Allwch chi feddwl am enghreifftiau o fyd natur sy'n cefnogi eich penderfyniad?
5. Anogwch y grwpiau i ychwanegu eu syniadau neu sylwadau eu hunain os cânt eu hysbrydoli, gan eu hysgrifennu ar y cardiau gwag.
6. Adolygwch y diagramau gyda'r dosbarth, gan drafod unrhyw gamsyniadau a thynnu sylw at y nodweddion allweddol sy'n debyg rhwng gwymon a morwellt.


ATEBION

Datganiad	Gwymon	Morwellt
Mae'n byw yn bennaf ar wely'r môr creigiog	✓	
Mae'n cynhyrchu blodau		✓
Mae'n blanhigyn go iawn, fel planhigion daearol (tir)		✓
Mae'n gartref da i fywyd môr	✓	✓
Mae'n byw ger y lan	✓	✓
Mae'n teimlo fel rwber i'w gyffwrdd	✓	
Mae'n cael ei fwyta gan bobl	✓	
Mae'n algâu	✓	
Mae'n glynu i greigiau gyda gludafaelion	✓	
Mae ganddo wreiddiau sy'n ei angori i wely'r môr		✓
Mae'n darparu ocsigen i'r dŵr trwy ffotosynthesis	✓	✓
Mae'n ffynhonnell fwyd ar gyfer anifeiliaid morol, fel crwbanod	✓	✓
Gall llygredd a newid yn yr hinsawdd ei effeithio	✓	✓

Dosbarthu Morwellt a Gwymon



Defnyddiwch sialc neu gylchoedd hwla i greu dau gylch mawr sy'n gorgyffwrdd.



Torrwch y cardiau isod. Labelwch un cylch yn 'Gwymon' a'r llall yn 'Morwellt'. Mae'r rhan sy'n gorgyffwrdd yn berthnasol i 'Y ddau'.

Mae'n byw yn
bennaf ar
wely creigiog
y môr

Mae'n
cynhyrchu
blodau


Mae'n
blanhigyn
go iawn, fel
planhigion
daearol (tir)

Mae'n gartref
da i fywyd môr

Mae'n byw
ger y lan

Mae'n teimlo fel
rwber i'w
gyffwrdd

Dosbarthu Morwellt a Gwymon



Mae'n cael ei
fwyta gan bobl

Mae'n algâu


Mae'n glynu i
greigiau gyda
gludafaelion

Mae ganddo
wreiddiau sy'n
ei angori i wely'r
môr

Mae'n darparu
ocsigen i'r
dŵr trwy
ffotosynthesis

Mae'n
ffynhonnell fwyd
ar gyfer
anifeiliaid morol,
fel crwbanod

Gall llygredd a
newid yn yr
hinsawdd ei
effeithio



Mae morwellt yn storio carbon hyd
at 35 gwaith yn gyflymach na
choedwigoedd glaw.

TASG
YCHWANEGOL

Crëwch ddatganiadau ychwanegol
i'w hychwanegu at y diagram.



Creithiau Morwellt

Yr offer sydd ei angen


- Argraffwch y daflen waith 'Creithiau Morwellt', un i bob pâr
- Argraffwch neu rhannwch y lluniau ar ddalen (S_S_2), un i bob dosbarth/grŵp
- Papur
- Deunyddiau celf
- Dyfeisiau y gellir eu defnyddio i gysylltu â'r rhyngwrdd a mynediad i'r rhyngwrdd

I gwblhau'r gweithgaredd

1. Rhannwch y fideo 'Seagrass Ocean Rescue' gyda'r dysgwyr – www.tiramor.cymru/morwellt (Adnodd 1). Trafodwch y prif fygythiadau i ecosystemau morwellt a grybwyllir yn y fideo a'u heffaith ar fywyd morol gyda'r dysgwyr.
2. Rhannwch daflen 'Creithiau Morwellt' (S_S_2) a rhwch gyfle i'r dysgwyr i drafod yr hyn y gallant ei weld yn y ddelwedd a disgrifio unrhyw nodweddion y maent yn sylwi arnynt. Pa effaith all angorfeydd cychod eu cael ar forwellt?
3. Heriwch ddysgwyr i ddarganfod rhagor o achosion o ddirywiad morwellt, gan ymchwilio a chofnodi unrhyw ganfyddiadau ar daflen waith 'Creithiau Morwellt'.
4. Anogwch y dysgwyr i ystyried y graith a achosir gan bob straenachoswr, gan greu patrwm neu symbol i gynrychioli'r graith.
5. Gan ddefnyddio'r patrymau neu'r creithiau a grëwyd, darparwch ddeunyddiau celf i bob pâr o ddysgwyr fel paent, marcwyr, neu bapur i ddylunio cynrychiolaeth weledol o forwellt a'r straenachoswr sy'n effeithio arno.
6. Gofynnwch i'r dysgwyr rannu eu gwaith celf gyda'r dosbarth, gan esbonio'r straenachoswr y gwnaethant eu dylunio a'u heffaith bosibl ar forwellt.

ALLWEDD ATEBION

Straenachoswr	Effaith Bosibl ar Forwellt
Angorfeydd cwch (cadwyni)	Sgwrio'r morwellt, gan gael gwared ar egin.
Gwaelod cwch	Creu ffosydd byr drwy'r ddôl a difrodi egin morwellt.
Sgwriad cwch	Sgwrio wrth i gychod lanio ar forwellt ar lanw isel, gan arwain at ddifrodi neu gael gwared ar egin.
Angorfeydd	Mae gollwng angorau mewn gwelyau yn niweidio eginau, yn enwedig wrth i angorau gael eu tynnu yn ôl.
Tractorau	Cywasgu gwaddodion, creu traciau drwy ddolydd, a difrodi egin morwellt.
Dympio gwastraff pysgodfeydd	Mae gwastraff cimychiaid cregyn crancod yn mygu morwellt.
Tyrchu gan gasglwyr pysgod cregyn	Colli ac aflonyddu morwellt.
Datblygiad arfordirol	Colli ac aflonyddu morwellt trwy ddinistrio cynefinoedd.
Llygredd	Mae halogi dŵr yn lleihau iechyd morwellt ac yn effeithio ar ecosystemau cysylltiedig.
Newid hinsawdd (tymheredd dŵr yn codi)	Mae tymereddau uwch yn cynyddu pwysau ar forwellt ac yn gallu ei ddinistrio.
Lefel y môr yn codi	Newid argaeledd golau a newidiadau mewn cynefin morwellt addas oherwydd dyfroedd dyfnach.
Gordyfiant algâu	Maetholion gormodol o ganlyniad i lygredd yn achosi i algâu trwchus rwystru golau'r haul.
Sbwriel morol	Gall gwastraff a malurion plastig ddenu a mygu morwellt.







Creithiau Morwellt

Crëwch waith celf haniaethol wedi'i ysbrydoli gan y creithiau a'r patrymau a achosir gan effeithiau dynol ar ddolydd morwellt, megis traciau neu lafnau gwthio cychod. Defnyddiwch linellau, siapiau a lliwiau i gynrychioli'r effeithiau hyn yn weledol.

Myfyriwch ar eich dyluniad ac eglurwch sut mae'n dangos yr heriau y mae morwellt yn eu hwynebu oherwydd effeithiau dynol.

Trafodwch pa gamau y gellir eu cymryd i ddiogelu ac adfer yr ecosystemau hanfodol hyn.



Mae hyd at 92% o forwellt wedi'i gollu yn y DU yn y ganrif ddiwethaf.



Datrysiadau Creithiau Morwellt

Yr offer sydd ei angen

- Argraffwch y daflen waith 'Datrysiadau Creithiau Morwellt', un i bob grŵp (3 tudalen)
- Dyfeisiau y gellir eu defnyddio i gysylltu â'r rhyngwyd a mynediad i'r rhyngwyd

I gwblhau'r gweithgaredd

1. Rhannwch y fideo 'Project Seagrass' gyda'r dysgwyr - www.tiramor.cymru/morwellt (Adnodd 2).
2. Dosbarthwch y daflen waith 'Datrysiadau Creithiau Morwellt', un i bob grŵp, a darparwch ddyfeisiau y gellir eu defnyddio i gysylltu â'r rhyngwyd.
3. Gofynnwch i'r dysgwyr ddychmygu eu bod yn beirianwyr cadwraeth morol sy'n dylunio datrysiadau i ddiogelu dolydd morwellt, yn union fel yr ymdrechion ailblannu a ddangosir yn y fideo. Eglurwch mai eu nod yw dylunio datrysiad creadigol i amddiffyn neu adfer y cynefinoedd hanfodol hyn ac atal creithiau a achosir gan straenachoswyr fel cychod, cerbydau, llygredd neu ordyfiant algâu. A allant helpu i atal difrod i ddolydd morwellt a sicrhau eu bod yn ffynnu ar gyfer y bywyd morol sy'n dibynnu arnynt?
4. Gofynnwch i bob grŵp ddewis straenachoswr i ganolbwyntio arno, fel angorfeydd cychod, cerbydau mewn parthau rhynglanwol, gordyfiant algâu o lygredd, neu aflonyddu gwaddodion a achosir gan adeiladu neu dyrfedd.
5. Rhowch gyfle i ddysgwyr ymchwilio i strategaethau go iawn, megis Systemau Angori Uwch, adfer morwellt, ymgyrchoedd addysg, neu leihau llygredd.
6. Gofynnwch i'r dysgwyr ddylunio datrysiad ar gyfer eu straenachoswr o ddewis. Gallant greu diagram wedi'i labelu, model 3D gan ddefnyddio deunyddiau wedi'u hailgylchu, neu boster/ffeithlun sy'n arddangos y straenachoswr, ei effaith, a'u datrysiad.
7. Rhowch gyfle i'r grwpiau gyflwyno eu prosiectau i'r dosbarth, gan actio fel gwyddonwyr cadwraeth. Dylent egluro eu straenachoswr o ddewis, eu datrysiad, a manteision eu syniad ar gyfer ecosystemau morwellt.
8. Gofynnwch i'r dysgwyr fyfrio ar eu gwaith drwy ystyried beth ysbrydolodd eu datrysiad, sut mae'n helpu morwellt a bywyd morol, a beth arall y gall pobl ei wneud i ddiogelu ecosystemau morwellt. Efallai y bydd dysgwyr yn dymuno cwblhau'r rhestr wirio a ddarperir i werthuso eu gwaith. Trafodwch sut y gallai dysgwyr wella neu beth fydddech chi'n ei wneud yn wahanol y tro nesaf.

Cerdyn Her Datrysiadau Creithiau Morwellt



Her: Rydych chi'n beirianwyr cadwraeth morol!

Mae dolydd morwellt yn cael eu difrodi gan weithgareddau dynol, gan adael creithiau sy'n cael eu hachosi gan gychod, cerbydau, llygredd a gordyfiant algâu.

Eich her yw gweithio gyda'ch gilydd i ddylunio datrysiad creadigol i amddiffyn dolydd morwellt, atal y creithiau hyn, a'u helpu i wella.

1. Dewiswch eich straenachoswr

Fel grŵp, dewiswch un straenachoswr i ganolbwyntio arno:



Angorfeydd cychod

Cadwyni ac angorau yn llusgo ar draws gwely'r môr.



Cerbydau

Ceir neu feiciau cwad yn gyrru trwy welyau morwellt rhynglanwol.



Gordyfiant algâu

Llygredd yn achosi i algâu trwchus rwystro golau'r haul.



Aflonyddu gwaddodion

Adeiladu neu dyrfedd yn claddu morwellt neu flocio golau.

2. Ymchwilio i ddatrysiadau

Gweithiwch gyda'ch gilydd i archwilio strategaethau go iawn i ysbrydoli eich ateb. Gall syniadau gynnwys:

Systemau Angori Uwch

Angorfeydd arbennig sydd ddim yn llusgo ar wely'r môr.

Adfer morwellt

Ailblannu morwellt mewn ardaloedd sydd wedi'u difrodi.

Ymgyrchoedd addysg

Addysgu pobl i amddiffyn morwellt.

Lleihau llygredd

Atal dŵr ffo maetholion i wella ansawdd y dŵr.

Rhannwch dasgau ymchwil rhwng aelodau eich grŵp i gasglu gwybodaeth yn gyflym.

3. Dylunio datrysiad eich grŵp

Cyfunwch eich syniadau i greu un ateb grŵp.

Dewiswch sut i'w gyflwyno:

Llunio diagram

Dangoswch sut mae eich datrysiad yn gweithio a labelwch ei rannau.

Adeiladu model

Defnyddiwch ddeunyddiau wedi'u hailgylchu i greu fersiwn 3D o'ch ateb.

Gwneud poster neu ffeithlun

Esboniwch y straenachoswr, ei effaith, a'ch datrysiad yn weledol.

Gwnewch yn siŵr bod pob aelod o'r tîm yn cyfrannu at y cynllun terfynol!

4. Cyflwynwch eich datrysiad

Gweithiwch gyda'ch gilydd i baratoi cyflwyniad grŵp byr.

Esboniwch:

1. Pa straenachoswr rydych chi'n canolbwyntio arno.

2. Datrysiad eich grŵp a sut mae'n gweithio.

3. Pam y bydd eich ateb yn helpu i ddiogelu dolydd morwellt.

Actiwch fel gwyddonwyr cadwraeth i wneud eich cyflwyniad yn hwyliog ac yn ddiddorol!

5. Myfyriwch

Ar ôl eich cyflwyniad, trafodwch fel grŵp:

Beth wnaeth ysbrydoli eich datrysiad?

Sut mae'n helpu i ddiogelu ecosystemau morwellt?

Pa syniadau eraill y gallai pobl eu defnyddio i amddiffyn morwellt?

Rhestr Wirio Hunanasesiad

Cyflwyniad Datrysiad Morwellt

Cynnwys

- ☐ Eglurom y straenachoswr yr oeddem yn canolbwyntio arno'n glir.
- ☐ Disgrifiom ein datrysiad a sut mae'n gweithio.
- ☐ Eglurom pam y bydd ein datrysiad yn helpu i ddiogelu dolydd morwellt.

Delweddau


- ☐ Defnyddiom ddiagram, model neu boster i gefnogi ein hesboniad.
- ☐ Roedd ein delweddau yn glir ac yn hawdd i'r gynulleidfa eu deall.
- ☐ Labelom rannau pwysig o'n delweddau.

Cyflwyniad

- ☐ Cymerodd pawb yn y grŵp ran yn y cyflwyniad.
- ☐ Siaradom yn glir ac ar gyflymder da fel bod pawb yn gallu clywed a dilyn.
- ☐ Fe wnaethom gadw at y pwnc a chadw diddordeb y gynulleidfa.

Ymgysylltu

- ☐ Fe wnaethom ateb cwestiynau gan y gynulleidfa yn hyderus.
- ☐ Fe wnaethom annog y gynulleidfa i feddwl am ffyrdd o amddiffyn morwellt.



Mae dolydd morwellt yn cefnogi bioamrywiaeth trwy ddarparu cynefin ar gyfer pysgod, infertebratau a mamaliaid morol.